

Itoizko harrobiko lanak ez dituzte oraingoz geldituko


Ez dago berririk Entzutegiaren epaia betearazteko eskaeraz

Entzutegi Nazionalak ez du onartu Itoizko harrobiko lanak gelditze eskaera, eskatu beharrekoa ez omen delako hori, irailiko epaia exekutatzeko bai-zik. Itoizko Koordinakundeak urrian eskatu zuen Entzutegi Nazionalaren epaia betearazteko —urtegiak babes legalik ez zuela zioena—, baina eskaera hori dagokionez, ez du erantzunik jaso.

Erredakzioa / Iruñea

ITOIZKO harrobiko lanak gelditze eskaera Itoizko Koordinakundeak egin zuen, ez Longidako Udalak, *Diario de Navarra* egunkariak atzoko alean hori argitaratu bazuen ere. Itoizko Koordinakundeak bi eskaera egin zituen urriaren 25ean. Batetik, Entzutegi Nazionalak irailaren 29an kaleratu zuen epaia betearazteko eskatu zuen. Epaia horren arabera, Itoizko urtegiak ez du oinarri legalik, ezta justifikaziorik ere. Aldi berean, Koordinakundeak Txintxurrenko harrobiko leherketak eta lanak geldiarazteko eskatu zion Entzutegi Nazionalari.

Entzutegiak ez du onartu harrobiari dagokion eskaera, eta gero utzi du Itoizko Koordinakundearen eskaera nagusiari (epaiaren exekuzioa) buruzko erabakia. Beraz, oraindik ez dago Itoizko lan guztiak gelditze eskaerari buruzko erabakirik. Entzutegi Nazionalaren arabera, ez da erabaki hau hartzeko une aproposena. Entzutegiak atze-



Aurrera jarraituko dute lanekin.

ARTXIBOKOA

ratu egin du erabakia eta seguru enik bere ebazpena ez da urtarilerarte arte jakingo.

Gainera, kontuan izan behar da Estatuko Administrazioak errekurso bat aurkeztu zuela Entzutegi Nazionalaren epaiaren kontra. Madrilgo Gobernuak Epaitegi Gorenera jo zuen Itoizko lanen gelditzea eragozteko. Beraz, Entzutegi Nazionalak bi aukera ditu: Koordinakundearen eskaera onartu eta lanen behin-behineko gelditzea agintzea edo, bestela, Epaitegi Gorenaren epaiaren zain gelditzea.

Itoizko harrobiko lanak gelditze eskaerari dagokionez, eskaerak zentzurik ez duela argudiatu du Entzutegi Nazionalak, «irailiko epaiaren ondorioz, Itoizko lanek ez dutelako izaera juridikorik. Beraz, ezin da eskatu juridikoki existitzen ez den zer-bait gelditzea. Eskatzekotan, irailaren 29ko epaia betearazteko eskatu beharko litzateke». Hau ere eskatuta dagoenez, Entzutegi Nazionalak bere epaia betearazteko agintzen duen ala ez jakitea besterik ez da falta. Epaia betearaztea erabakiko balu, lan guztiak geldituko lirarteke. X

Hegoaldeko emakume gazteek II. topaketak hasiko dituzte gaur

■ Etorkizuna eta ekimen feminista aztertuko dituzte Gasteizko biltzarrean

Gorane Agirre / Bilbo

HEGO EUSKAL HERRIKO emakume gazteek II. topaketak egingo dituzte gaurtik larunbatera bitartean Gasteiz ondoan dagoen Barriako barnetegian. Jardunaldiok *Titietaraino gaude! Gerra beti!* leloa dute.

Hamar urte igaro dira Hegoaldeko emakume gazteek lehen topaketak egin zituztenetik. Epe horretan, Hegoaldeko Emakume Gazteen Koordinakundeko ordezkariak nabarmendu zuten, «zenbait gauza aldatu direla jakin badakigun arren, oraindik askatasun maila handiagoak lortu eta lanean segitzeko beharra ikusten dugu. Ez da nahikoa lortu dugun autonomia maila eta bereziki, edozein menpekotasun motaren aurka

borrokatzen jarraitu behar dugu».

Emakume gazteen II. topaketa hauek antolatze ekimena iazko abenduan Leioako kanpusean egin ziren Euskal Herriko Emakumeen III. jardunaldietan sortu zen. Bertan, besteak beste, Ondarroa, Azkoitia, Errearteria, Bergara, Tuteria, Oiartzun, Iruñea, Portugalete, Sestao, Santurtzi, Leioa, Ermua, Gasteiz eta Bilbo emakume gazteen taldeek hartu zuten parte.

«Jardunaldi horietan», azaldu zuten Koordinakundeko kideek, «emakume gazteok lehen harremanak izan genituen eta, geure aldarrikapenak eta beharrak gaur egun nondik nora doazen aztertze biltzearen premia ikusi genuen».

Emakume Gazteen Koordina-

kundeak urtebete eman du gaurtik larunbatera arteko topaketak prestatzen. Bertan jorratuko dituzten ardatz nagusiak honako hauek dira: elkarrekin biltzearen premia, etorkizuna eta ekimen feministak jorratu beharreko lan ildoak.

Beste zenbait gai ere eztabaidatuko dituzte hainbat tailerretan, besteak beste, sexualitatea, antzerkia, heziketa, antimilitarismoa, lesbianismoa, borroka bideak edota Pekinen egin berria den Emakumeari buruzko IV. Konferentzia.

Hego Euskal Herriko emakume gazteak aurkeztuko dituzten gaiak aztertu eta eztabaidatu ostean, larunbatean —arratsaldeko 16.00etan— topaketen balorazioa egin eta ondorioak azalduko dituzte. X

SENAR EDO ADISKIDIE,
BADUZU ORDUA PRESTATZEKO
BAZKARI EDO AFARIE

Karlos
ARGIÑANOren
MENUA

1995ean
DENOK
SUKALDARI



PERRETXXIKO VOLOVAN-AK

OSAGAIK (4 lagunentzat)

- Hojaldrezko 8 volovan
- Arrautza irabiatua
- Kilo erdi perretxiko
- 2 baratzuri atal
- Piper berde bat
- Edalontzi bete haragi-salda
- Koilarakada bat irin
- Kopa bete ardo txuri edo Jerez
- Tipula bat
- Oliba olio
- Gatza
- Tomato saltsa

PRESTAKETA

Tipula xehe-xehe egin eta zartaginean beratu oliotan, bi baratzuri atal xerraturekin eta piper zatituarekin. Perretxikoak gehitu, garbitu eta zatitu ondoren. Gatza eman eta irina erantsi nahasiz, eta ondoren ardo txuria eta salda. Egosi dena 8-10 minutuz, loditu arte.

Labean sartu volovanak, arrautza irabiatuaz igurtzirik, eta perretxikoz bete.

Tomato saltsa beroa jarri azpil batean eta volovanak gainean.

UNTXXIA GARAGARDOAREKIN

OSAGAIK (4 lagunentzat)

- Kilo eta erdiko untxia
- 5 tipuleta
- Koilarakada bat irin
- Edalontzi bat ur
- Garagardo bat
- Kopa bat brandy
- 2 baratzuri atal
- Ezkai pixka bat
- Edalontzi bete tomate-saltsa
- Oliba eta gatza

PRESTAKETA

Untxia zatitu eta gatza eman, eta gorde erraiak.

Tipuleta xehetu eta oliotan beratu, bi baratzuri atalekin eta gatzarekin. Ongi beratua dagoenean, irina gehitu eta nahasi, eta gero untxi puskak. Ezkaia eta brandya gehitu, flanbeatu, bota garagardoa, ura eta tomate saltsa, dena ongi nahasiz. Gisatzen eduki 35 minutuz, guri-guri egin arte. Gatzez egokitu eta zerbitzatu.

**BAQUE KAFEAK ESKEINITAKO
ARGIBIDE KAFEZALEAK**



Arabika Kafe onak, kaferik suabeenak,
beti alturako lurretan hazten dira.
Kolonbiak, esate baterako, itxasoaren
mailatik 1.200 eta 1.800 metro bitarteko
altuerako lurak erabiltzen ditu kafea
hazteko.

BAQUE KAFE suabe...suabea



Poz handia ematen digu kafeaz dakigun guztia zure esku jartzeak.